

CAPUT IV.

Quid sint Sacramentalia, et quid efficiant.

90. Quid, et quæ sint Sacramentalia? — 91. An Sacramentalia vim habeant ex opere operato? — 92. Quomodo per Sacramentalia remittantur peccata? — 93. Plura notanda. — 94. De usu Agnorum Dei, aquæ benedictæ et similium.

90. — « RESP. I. Cæremoniæ ecclesiasticæ, quæ vulgò dicuntur » Sacramentalia, sunt actus externi religionis, ad colendum Deum » accommodati. Tales autem communiter vocantur, Oratio » Dominica, aqua benedicta, esus eulogiarum olim in usu, con- » fessio generalis, elemesyna, benedictio ab Episcopo, vel » Abbate consecrato data, quæ ex antiqua traditione dicuntur » remittere venialia, continentur hoc versu:

Orans, tinctus, edens, confessus, dans, benedictus.

« Ad quæ etiam revocantur tunsio pectoris, unctio in Regem » et similes; item multæ aliæ cæremoniæ, et res etiam ipsæ » sacræ, quæ in Ecclesia partim ab Apostolis traditæ, partim » postea institutæ sunt, ut Exorcismi, insufflationes, prima » tonsura, Benedictiones, et consecrationes variarum rerum et » personarum, ut Ecclesiæ, calicum, etc. ipsæ etiam herbæ, » lumina, vinum S. Joannis, cerei agni, signum S. Crucis. » Quæritur ergo, quam vim habeant: num ex opere operantis, » cum certum sit, sicuti per alia pia opera, sic etiam iis nos mereri, » seu ex opere operato?

91. — « Resp. 2. Non habent vim ex opere operato confe- » rendi gratiam, aut remittendi peccata vi sua, et per se, sed » tantum quatenus in nobis pium motum excitant. Ratio prioris » est, tum quia nusquam promissio gratiæ, aut remissionis pec- » catorum iis facta reperitur; tum quia peccatum etiam veniale » non remittitur sine infusione gratiæ, quam conferendi ea » nullam per se habent vim. Ratio posterioris est, quia id accom- » modatum est Sacramentalium institutioni, et consecrationi, » quæ fit per preces Ecclesiæ, quibus ipsa nobis tales motus pre- » catur. *Conc. q. 71. art. 3.* »

92. — Quæritur ergo, quomodo culpæ veniales remittantur per Sacramentalia? *Prima* sententia cum *Sot. Val. Led Vict. etc.* apud *Croix l. 6. p. 1. n. 221.* dicit, Sacramentalia ex institutione Ecclesiæ vim habere venialia remittendi ex opere operato; quia Sacramentalia semper venialia remittunt, etsi non semper in nobis pium motum excitent. *Secunda* tamen communior, et verior sententia cum *Tourn. tom. 4. p. 266. Wigandt. tr. 13. Exam. 2. n. 25. S. Th. Lug. Suar Bus. Croix l. c. Viva de Sacr. Qu. 1. A. 8. n. 7 et seq.* tenet per Sacramentalia non remitti venialia ex opere operato; sed tantum quia per ea pius motus doloris, aut charitatis in nobis excitatur, quo venialia

remittuntur. Idemque expressè docet *D. Th. 3. p. q. 87. a. 3. ad 1.* ubi ait: « Omnia ista causant remissionem peccatorum » venialium implicite, vel explicitè. » Hinc omnibus fidelibus consultum fit post sumptionem aquæ benedictæ, etc. se excitare ad actum doloris, sive amoris.

93. — « 1. Gratia prævenientes, et pii motus conferuntur » per Sacramentalia, per modum impetrationis, quæ non omnino infallibilem effectum habent.

« 2. Peccat graviter, qui Sacramentalibus falsam materiam » supponit, ut pro aqua lustrali faciendo urinam.

« 3. Sacramentalia, quandoque operantur beneficia corporalia » v. g. sanitatem, per modum impetrationis, ratione precum » Ecclesiæ. Imò quædam etiam vim habere (v. g. fugandi » dæmonem) per modum operis operati, ex singulari privilegio » docent *Henr. l. 1. c. 2. Sotus*, et alii. Quia, inquit, etiam » Ethnicis, in quibus nec intercesserunt preces Ecclesiæ, nec » meritum operantium, quandoque signo crucis (quod quidam » etiam putant de nomine JESU) à dæmone liberati fuisse » dicuntur: quod tamen alii eorum virtuti objectivæ, quasi na- » turali, adscribunt; de quo plura apud *Schol. Vide Merat. D. 10. » sect. 1.* »

94. — Inter Sacramentalia enumerantur Agni Dei ex cera à Papa benedicti: super his notandum. 1. Velitum est sub excommunicatione eos inaurare, aut pingere, ut *Azor. ap. Croix l. 6. p. 1. n. 225.* Not. 2. Vendere eos carius, quia benedicti sunt, est injustitia et simonia. Licitum tamen est eos vendere secundum suam materiam, uti rectè dicunt *Sancti Dian. et Croix ib. cum communi, contra Azor.* Not. 3. Quamvis *Gobat. etc.* dicant esse veniale laicis eos tangere absque aliqua necessitate; probabile tamen est nullum esse peccatum, juxta usum nostrorum temporum, ut aiunt *Sancti Dian. et alii ap. Croix n. 225.*

Projicere canibus ossa agni, vel ova, quæ benedicuntur, putat *Gretserus* esse illicitum; sed negandum cum *Caj. et Croix. n. 227.* Sicut etiam licitum est uti aqua benedicta et candelis ad usum profanum, ut *Croix ibid. cum Tamb. contra alios.*

Missalia autem et Biblia sacra, sicut etiam sacræ Imagines non debent adhiberi ad usum profanum; secus verò dicendum de aliis chartis, ubi incidenter et accessorie inscribuntur nomina sacra. Ita *Croix. n. 228. cum Gob.*